

ԿԻԼԻԿԻԱՅԻ 1909 Թ. ՀԱՅԿԱԿԱՆ ԿՈՏՈՐԱԾՆԵՐԸ

Պատմ. գիտ. դոկտոր Ա. Ս. ՀԱՄԲԱՐՅԱՆ

1908 թ. Երիտթուրքական հեղաշրջումը չլուծեց երկրի համար առաջնակարգ նշանակություն ունեցող ո՛չ հողային և ո՛չ էլ ազգային հարցերը: Ընդհակառակը, իթթիհատի կառավարությունն ավելի ուժեղացրեց Օսմանյան կայսրության կազմում եղած ժողովուրդների՝ արաբների, հույների, հայերի, քրդերի և ուրիշների սոցիալական կեղեքումը և ազգային հալածանքները, դատապարտելով նրանց ձուլման ու բնաջնջման: Երիտթուրքերը սաստկացրին հատկապես հայերի ճնշումները, ծրագրեցին կազմակերպել հայկական նոր կոտորածներ¹:

1908 թ. աշնանն ու 1909 թ. ձմռանը համարյա ամբողջ երկրում ծավալվում էր հակահայկական պրոպագանդա: Մթնոլորտը շիկանում էր ոչ թե շաբաթ առ շաբաթ, այլ օր առ օր, ժամ առ ժամ: 1909 թ. հունվարի 9-ին էրզրումի ուսական գլխավոր հյուպատոս Ն. Սկրյաբինը հաղորդում էր Կ. Պոլսի իր դեսպանին, որ էրզրումի մահմեդականների ատելությունը հայերի հանդեպ աճում է ոչ թե օրերով, այլ ժամերով: Երիտթուրքերից նույնիսկ նրանք, ովքեր բացահայտորեն հայտարարում էին իրենց երախտապարտությունը հայերին՝ Թուրքիայի հակասուլթանական շարժման մեջ նրանց ցուցաբերած նախաձեռնության համար, այժմ գաղտնի հսկողություն են սահմանել հայերի վրա և իրենց գործակալներին առաջարկել են անհրաժեշտության դեպքում նրանց նկատմամբ եռանդուն միջոցներ կիրառել²: Նույն թրվականի մարտի 9-ին Ն. Սկրյաբինը հայտնում էր, որ մահմեդականների թշնամությունը հայերի դեմ աճում է նաև Բիթլիսի, Խարբերդի և Դիարբեքի-րի վիլայեթներում: Ռուսությունն այնպիսին է, — եզրափակում էր նա, — որ կայծեր են հարկավոր հրդեհի համար³:

Եվ այդ հրդեհը թուրքական գործակալներն առաջացրին Ադանայում, որտեղից այն արագորեն տարածվեց ամբողջ Կիլիկիայում և այրեց ու ավերեց բազմաթիվ հայկական շեներ, բնաջնջեց ու ոչնչացրեց նրանց անմեղ բնակիչներին:

Կիլիկիայի հայկական թագավորությունը գոյատևեց շուրջ 300 տարի և կործանվեց օտարերկրյա նվաճողների կողմից XIV դարում: Այնուհետև շատ փորձանքներ եկան ու անցան, բայց Կիլիկիայի հայերը հավատարիմ մնացին իրենց հողին ու ջրին, մայրենի լեզվին ու քրիստոնեական հավատին: Առաջին համաշխարհային պատերազմի նախօրյակին Կիլիկիայում հաշվվում էր մոտ 205 հազար հայ⁴, որոնք ապրում էին քաղաքներում ու գյուղերում և զբաղվում էին արդյունաբերությամբ ու գյուղատնտեսությամբ: Քաղաքներից ամենանշանավորն Ադանան էր, որն ուներ 66 հազար բնակչություն: Դրանցից 22 հազարը հայեր էին՝ 20 հազար լուսավորչականներ, 1500 բո-

¹ Տե՛ս Ա. Ս. Համարյան. Երիտթուրքերի ազգային ու հողային քաղաքականությունը և ազատագրական շարժումները Արևմտյան Հայաստանում (1908—1914). Երևան, 1979, էջ 106—162:

² Տե՛ս Архив внешней политики России, ф. «Посольство в Константинополе», 1909, д. 2677, л. 17—18:

³ Նույն տեղում, թ. 31:

⁴ Տե՛ս Թեոդիկ. Ամենուն տարեցույց. ԺԶ տարի, 1922, էջ 261:

ղոթականներ և 500 կաթոլիկներ⁵։ Հայերը Կիլիկիայում գերծ մնադին 1690—ական թթ. կոտորածներից և այդ պատճառով բռնաբերված էին՝ տնտեսապես ավելի բարվոք վիճակում, քան Արևմտյան Հայաստանում։

Սուլթանական կառավարությունը չէր կարող հաջորդել հայերի բարեկեցությունն ու բարգավաճումը, ուստի պատրաստվում էր նրանց կոտորել ու թալանել նաև կայսրության այդ մասում։ 1908 թ. հեղափոխությունը, ինչպես ասվեց, ոչ միայն չկանխեց, այլև նոր լիցք հաղորդեց այդ քաղաքականությանը։ Սակայն դեռ նոր անցնելով իշխանության գլուխ և կարիք ունենալով ամրապնդել իրենց դիրքերը երկրում, եռոթյուրեքերը հարմար չըգտան իրագործել հայության մասնալական ջարդեր ամբողջ կայսրությունում։ Նրանք սահմանափակվեցին միայն Կիլիկիայով, ուր այդ խնդիրն արդեն ընթացի մեջ էր։ Իթթիհատի պրոպագանդիստները սկսեցին հայտարարել, թե իբր Կիլիկիայի հայերն ուզում են վերանվանվել իրենց վաղեմի թագավորությունը, թե իբր նրանք ցանկանում են այդ նպատակին հասնել ապստամբության միջոցով, թե իբր նրանց շարժումը ռեկալարում է Աղա-նայի հայոց հոգևոր առաջնորդ Մուշեղ եպիսկոպոսը (Մուշեղ Սեդրեյանը), կամենալով հռչակվել թագավոր, թե իբր հնչականները Կիլիկիայում ստեղծել են իրենց կազմակերպությունների խիտ ցանց և մարում են հեղափոխական ակտիվ գործունեություն, թե իբր հայդուեապետ Կյուլումբուլյանը իր 300 զինվորներով պատրաստվում է մահմեդականների վրա արշավել և այլն։

Հայերը, անշուշտ, հերքեցին այդ սուտ ու պատիժ լուրերը։ Նրանք հայտարարեցին, որ իրենք չունեն ապստամբելու և հակակալ թագավորությունը վերականգնելու պլաններ, որ իրենք կամենում են քալել թուրքերի հետ միասին և նպաստել Թուրքիայի առաջընթացին։ Բայց թուրքական կառավարությունը Կիլիկիայում շարունակեց իր հակահայկական վարքագիծը և ավելի խստացրեց այն։ Շուտով պաշտոնանկ արվեցին հայամետ մարդիկ և նրանց փոխարեն նշանակվեցին հայատյաց անձինք։ Կառավարության հայաջինջ քաղաքականության կենսագործումը հանձնարարվեց սուլթան Հեմադիի նախկին թիկնապաշ և հենց նոր Ադանայի վիլայեթի կուսակալ նշանակված Ջևադ բեյին, զինվորական հրամանատար Մուսթաֆա Բեմդի փաշային, Ջերբե-Բերեքեթի մութասարիֆ Ասաֆ բեյին և ուրիշներին։ Մի առանձին եռանդով սկսեց հակահայկական պրոպագանդա ծավալել Ադանայի «Իթիդալ» («Զափավորություն») թերթը։ Արշակունհի Թեոդիկը նրա խմբագրի մասին գրում էր, որ հրազենն ու դաշույնը այնքան ավելի չկատարեցին քաղաքում ու նահանգում, թորչափ այդ մարդու գրիչը։ Ֆիքրիմ իմ աշխատի տիրանուն հեղինակն էր կոտորածին⁶։ Նա բորբոքում էր հալածայական կրքեր, թուրքերին կոչ էր անում կոտորել ապստամբության պատրաստվող և Թուրքիայի մասնատումը երազող գլավուրներին։

Ադանայի նոր կուսակալն ու զինվորական հրամանատարը սկսեցին գաղտնի խորհրդակցություններ գումարել Կիլիկիա գործառնոր տեղափոխել, զինել խուժանին և մշակել հայկական ջարդերի պլաններ։ Նրանց թելադրանքով Ադանայի «Միություն և առաջադիմություն» ակումբը հիմնադրուղակեց Կիլիկիայի 18 վայրեր, մահմեդականներին կոչ անելով զինվել ու կոտորել հայերին։

Թուրքական իշխանությունները ըստ էության ամեն ինչ պատրաստել էին իրենց նպատակի իրագործման համար։ Առթիվ էր սյետք։ Եվ նրանք ձգտում էին ստեղծել այն (Բալանում ու կողոպտում էին առանձին հայերի, անպատվում ու սպանում էին նրանց)⁷։ Բայց ավելի հարմար առիթն առա-

⁵ Տե՛ս Համբարյանի Ա. Ս. Ս. Ադանայի եղեռնը և Գոնիալի հուշեր. Նյու Յորք, 1950, էջ 15։

⁶ Արշակունհի Թեոդիկ. Ամիս մը ի Կիլիկիա, կցկտուր նոթեր. Կ. Պոլիս, 1910, էջ 108։

⁷ Այդ մասին հանգամանորեն տե՛ս Մուշեղ եպիսկոպոս. Ադանայի ջարդը և պատասխանատվությունը. Գահիրե, 1909, էջ 34—47։

շաղափ 1909 թ. մարտի 31-ին, երբ սուլթան Աբդուլ Համիդ II-ը, վճռելով երիտթուրքերին, դարձավ իշխանության լիիրավ տեր: Ադանայի պաշտոնյաներն այդ պահը հարմար համարեցին և սկսեցին կենսագործել հայկական կոտորածների իրենց պլանը: Զինվորներն ու խուժանը գործի անցան: Ապրիլի 1-ին նրանք հարձակվեցին Ադանայի հայկական թաղերի վրա և մի քանի ժամվա ընթացքում սրի քաշեցին Աճեմ, Տուզ, Հայդար օղլու, Գալե-գափու, Դելի Մեհմեդ և այլ վայրերի բոլոր հայերին: Ամենուրեք մոլլաները կոչում էին. «Կոտորեցե՛ք, կոտորեցե՛ք գյավուրներին, թալանեցե՛ք, նրանց մալը հալալ է ձեզ»:

Հանկարծակիի եկած հայերը փախչում էին դեռ ու դեռ, աղերսում օգնություն ու փրկություն, ահաբեկվածները գոռում էին՝ «փախե՛ք, կուգան, մոտեցան...»⁸: Ոմանք դիմում էին թուրքական պաշտոնյաների օգնությանը, բայց ապարդյուն: Դահլիճները սպանում էին հայերին հրացանների ու ատրճանակի կրակոցներով, կացիններով ու դանակներով, բերրով ու դաշույններով, մահակներով ու քարերով, սպանում էին ոչ միայն լուսավորչական, այլև կաթոլիկ ու բողոքական հայերին, սպանում էին ամեն տեղ, նաև պաշտոնյաների ու զինվորների աչքերի առջև, նրանց ներկայությամբ ու աջակցությամբ: Նրանք հրկիզում էին հայոց տները, եկեղեցիները, դպրոցները, հիվանդանոցները, ողջակիզում էին այնտեղ պատսպարված մարդկանց, թալանում նրանց ունեցվածքը: Զարդարարները կտրում էին հայերի ձեռքերը, ոտքերը, ականջները, քիթը, լեզուն, հանում էին աչքերը, սրատում էին ստամոքսը, կախում էին գոհերին ծառերից ու պատերից և զվարճանում իրենց վայրագություններով⁹:

Անգլիացի ակադեմիկոս Հերբերտ Էդեմզ Կիրանչը գրում էր. «Տեսարանները որոնք պարզվեցան այդ օրը, չեմ կրնար նկարագրել իրենց ահավորության պատճառով: Անկարելի էր փողոցներու մեջն քալել՝ առանց դիակի մը վրա կոխելու: Շուները խրախճանք կկատարեին դիակներու վրա: Հոշոտումները սարսափելիորեն աննկարագրելի էին, մասնավորապես աղջիկներու և մանուկներու վրա կատարածները: Տեղ մը հինգ վեց հոգի միասին ցցամահեղած էին: Մանկիկ մը տեսա... երկու տասնյակ մը գնդակի ծակեր՝ պզտիկ մարմնու վրա: Հայոց վարժարանին մեջ երկու հազար հոգիներ սպանվեցան: Զարդը ընդհանուր է: Ադանան ավերակույտի վերածված է»¹⁰: Դահլիճներից յուրաքանչյուրն աշխատում էր որքան հնարավոր է շատ հայ սպանել, որ տիրեր նրա ունեցվածքին: Պատահում էր, որ նրանք հայերի ունեցվածքի համար նույնիսկ իրար էին սպանում, իսկ հետո հայտարարում, թե հայերն են արել: Այնուամենայնիվ, հայերը սթափվեցին և դիմեցին ինքնապաշտպանության (նրանցից շատերը 1908 թ. հեղաշրջումից հետո զենք էին ձեռք բերել): 1909 թ. ապրիլի 1-ին Ադանայի կենտրոնում Կարապետ Լաշինյանի, Տիգրան Պզտիկյանի և Միսաք Թուրսարգսյանի գլխավորությամբ 173 կտրիճներ դիրքեր գրավեցին և շեշտակի կրակոցներով սկսեցին գետին փռել ու փախուստի մատնել խուժանին, պաշարումից ազատելով բազմաթիվ համաքաղաքացիներ: Նույն օրը երեկոյան մահմեդական խաժամուժը, համալրվելով նոր ուժերով, անցավ վերահարձակման: Բայց հայերը արիաբար դիմադրեցին, որի հետևանքով կոիվները շարունակվեցին մինչև ուշ գիշեր: Ապրիլի 2—3-ին թշնամին դիմեց նոր հարձակման: Հայերը թեև արիաբար հետ մղեցին նրան, բայց արդեն այնքան էին թուլացել, որ այլևս չէին կարող շարունակել մարտերը: Ուստի դիմեցին կուսակալին, խնդրելով վերջ դնել արյունահեղությունը: Կուսակալ Զեադ բեյը խոստացավ կատարել նրանց ցանկություն-

⁸ Տե՛ս Հ ա կ ո Ր Հ. Թ ե Ր Ղ Յ ա ն. Կիրիկիո աղետու Ականատեսի նկարագրությունները, վավերաթղթեր, պաշտոնական տեղեկագրեր, թղթակցություններ, վիճակագրություններ, ամենեն կարևոր պատկերներ. Կ. Պոլիս, 1912, էջ 34:

⁹ Տե՛ս Геноцид армян в Османской империи. Сборник документов и материалов, под ред. проф. М. Г. Нерсисяна. Ереван, 1966, с. 186.

¹⁰ Հ ա կ ո Ր Հ. Թ ե Ր Ղ Յ ա ն. նշվ. աշխ., էջ 138—139:

նը, պայմանով, որ հայերը հանձնեն իրենց զենքերը: Հայերը ստիպված համաձայնվեցին: Ապրիլի 4-ին կոտորածները դադարեցին: Իշխանությունների կարգադրությամբ քաղաքի փողոցներում ընկած դիակները հավաքվեցին, բարձվեցին սալերին և թափվեցին դետը, որը տարավ դրանք դեպի Միֆերկրական ծով, բաժին դարձրեց շնածկներին: Ականատեսներից մեկը՝ ֆրանսիական ժուռնալիստ. ազգությամբ հուլյն Ա. Ադոսիդեսը գրում էր. «Ալեքսանդրեսի ծովածոցը երբեք չէր տեսել շնածկների այդպիսի ներխուժում: Սպաները օրեր շարունակ դիտելով այդ տեսարանը, կատարեցին բազմաթիվ նկարահանումներ»¹¹: Ապրիլի 7-ին Ադանայի վերոհիշյալ «Իթիզալ» թերթը հրապարակեց Իսմայիլ Սաֆայի «Մի ահավոր ապստամբություն» վերնագրով հոդվածը, որի մեջ նա հայերի ջարդերը ներկայացնում էր իբրև ապստամբություն, հայտարարում էր, թե իբր նրանք կոտորել են թուրքերին և կոչ էր անում աշաուրջ լինել, քանզի հայերը պատրաստվում են նորից ապստամբել: Անհրաժեշտ է այնպես զսպել նրանց, որ այլևս չըդմեն այդ քայլին¹²: Հայերը, իհարկե, բողոքեցին թերթի դեմ, բայց հասան սոսկ նրան, որ այն մի քանի օրով փակվեց: Սակայն շուտով «Իթիզալ» կրկին հրատարակվեց, ավելի թունգ բորբոքելով թուրքերի հակահայկական կրքերը¹³:

Ապրիլի 13-ին (26-ին) երիտթուրքերը տապալեցին սուլթան Համիդին և արտաքսեցին Կ. Պոլսից: Նրա փոխարեն սուլթան հռչակեցին եղբորը՝ թուլամիտ ու կամազուրկ Մեհմեդ V Ռեշադին: Թվում էր, թե ջարդերն անցնելու էին պատմության գիրկը, բայց դա պատրանք էր: Հենց ապրիլի 14-ին Ադանայում հայկական կոտորածները վերսկսվեցին, ընդունելով ավելի ահեղ բնույթ: Երիտթուրքական «ազատության» զինվորները միանալով խուժանին, նետվեցին հայկական թաղերի վրա և շարունակեցին հրկիզել եկեղեցիները, գեռ ողջ մնացած դպրոցները, Արգարյան կոլեժն ու պանսիոնատը, Ռուշեղյան վարժարանը և այլ հիմնարկներ, ողջակիզելով այնտեղ պատըսպարված հազարավոր հայերի: Ովքեր փորձում էին փախչել բոցերից, ընկնում էին թշնամու գնդակներից: Ականատեսը հուշագրում էր, որ իթթիհատի զինվորները «առաջին աղետեն հազարապատիկ ավելի աստիճան սոսկալի ահի ու դողի մատնեցին զմեզ»¹⁴: Եվ դա հասկանալի է. առաջին ջարդի ժամանակ հայերը գոնե զենք ունեին, իսկ այժմ այդ էլ չուներին, քանի որ թուրքական իշխանությունները զինաթափել էին Պրանց: Յերեկ ու գիշեր Ադանայի հայկական թաղամասերում թեւածում էր կրակե փոթորիկը: Ամենուրեք լսվում էին հայերի օգնության կանչերը, լացն ու կոծը, աղերսանքներն ու հառաչանքները: Իսկ պաշտոնյաներն ու զինվորները զվարճանում էին իրենց ստեղծած տեսարաններով, թալանում նրանց ունեցվածքը, տանում շալակով ու սալերով: Ադանայի երկրորդ ջարդերն ավարտվեցին ապրիլի 17-ին, բայց առանձին տեղերում դրանք շարունակվեցին նաև ապրիլի վերջերին ու մայիսի սկզբներին¹⁵:

Թուրքական իշխանությունները Ադանայի հետ միաժամանակ կոտորածներ իրագործեցին Կիլիկիայի նաև այլ հայաբնակ վայրերում: Տարսոնում՝ ապրիլի 1-ին նրանք հավաքեցին խուժանին զորամոցում և զինեցին: Անհանգստացած հայերը դիմեցին պաշտոնյաներին: Բայց նրանք, ինչպես Ադանայում, այնպես էլ այստեղ հանգստացրին նրանց, ասելով, թե ոչ մի վատ բան չի սպասվում, մինչև իսկ հայտարարեցին, թե իրենք պատասխանատու են իրավիճակի համար: Սակայն հաջորդ օրը Ադանան ավերող ու թալանող խուժանի մի մասը շոգեկառքով մեկնեց Տարսոն և միանալով տեղի ոճրապործներին, սկսեց կոտորել հայերին, հրկիզելով նրանց տներն ու հիմնարկ-

¹¹ Генотид армян..., с. 188—189.

¹² Տե՛ս 2. 2. Ա շ շ ա ն. նշվ. աշխ., էջ 23:

¹³ Տե՛ս 2 ա կ ո բ 2. Թ ե ռ զ յ ա ն. նշվ. աշխ., էջ 62—63, 76, 97:

¹⁴ Նույն տեղում, էջ 101:

¹⁵ Տե՛ս Генотид армян..., с. 189.

ները: «Կրակը պատեց ամեն կողմ,— նշում է ականատեսը,— շատերը չի կրնալով փախչիլ՝ իրենց տուններուն մեջ ալրեցան»¹⁶:

Տարսուհից հետո խուժանը հարձակվեց նրանից 8 ժամ հեռավորությամբ վրա գտնվող Գոգ-Օլուգի վրա: Բնակիչները փորձեցին դիմագրել: Դահիճները պահանջեցին հանձնել զենքերը, հավատացնելով, որ չեն կոտորի: Բայց հենց որ դուրահավատ հայերը կատարեցին նրանց պահանջը, թուրքերը լցվեցին գլուղ և սկսեցին սպանել ու թալանել: Ովքեր փախչում էին հարևան թուրքերի գյուղերը, որ փրկվեին, ընկնում էին նրանց դանակներից ու բռնիքից: Զարդարաբները հավաքում էին սպանվածների դիակներն ու վերավորներին, դարսում իրար վրա և այրում: «Բոցը կբարձրանար կատաղի սաստկույթով»¹⁷: զրում էր պատահամբ փրկվածներից մեկը,— և կերկարեր դեպի երկինք, անոր մեջեն կլսվեին մանկան սուր ճիչեր, մայրական աղեխարշ գոչեր և օրհասականի սրտաճմլիկ հառաչներ. մեկը կիսալրած հագուստով կփորձեր փախչիլ հնոցի սաստկութենեն, մյուսը կիսախանձ իրանով վերբստին ճիգ մը կընեք վտանգեն ազատվելու... յուրաքանչյուր զոհի ճիչերուն թուրք խուժանը կպատասխաներ ծիծաղներով և վրեժի լուտանքներով»¹⁸:

Ապտօղլու գլուղում, որն ուներ 66 տուն կամ 265 բնակիչ և ընդունել էր 242 փախստականների, ինչպես պատմում էր տեղի քահանան, երիտասարդները որոշեցին դիմագրավել թշնամուն: Նրանք ունեին 5 մաուզեր, 60 ատրճանակ ու հրացան: Բայց գյուղապետ Բաղդադ օղլու Կարապետը կանխեց, հեղնելով, թե «մեզի է մնացել իսլամին դեմ դնել... չի՞թեներով (որսորդական հրացաններով—Ս. Հ.) խուշ կզարնվի, մարդ չի զարնվիր...», պետք է ձիտերնիս ծռենք, զենքերնիս հանձնենք ու իրենց ողորմածությամբ վրա հուսանք»¹⁹: Երիտասարդները թեև առարկեցին նրան, ասելով, թե ո՞ր օրվա համար ենք գնել հրացանները, ի՞նչ կտրիճներ ենք մենք, մեր կանայք ու երեխաները մեզ վրա են հույս դրել, ի՞նչ երեսով պետք է նայենք նրանց, բայց գյուղապետը մնաց անդրդվելի: Նա պարզեց ճերմակ դրոշակը և գլուղը հանձնեց խուժանին: Քահանան ապա շարունակում էր. «Տյուշմանը եկավ, մեր զենքերը հավաքեց ու անմիջապես մեզ շարդեց»: Միայն մի երիտասարդ, որ թաքցրել էր իր հրացանը, հակառակորդից 7 մարդ սպանեց ու փախավ: Թշնամին գլուղը հրդեհեց, բնակիչներին կոտորեց, 265 մարդուց կենդանի թողեց միայն մի քանի հոգի, «ան ալ մեծ մասով կին»¹⁹: Իսկ Բաղդադ օղլու Կարապետին տանջամահ արին, սպանելով նրա աչքերի առջ նախ կնոջը, ապա տղաներին, այնուհետև հարսներին ու թոռներին²⁰: Միսիսում հազարապետը կանխեց կոտորածը: Սակայն նրա հեռանալուց հետո խուժանը անցավ հարձակման: Ետը 200 հայեր դիրքեր գրավեցին և արիաբար կռվեցին: Բայց ուժերն անհավասար էին, թշնամին կոտորեց նրանց դիմադրությունը և համարյա բոլորին սրի քաշեց»²¹:

Օսմանիեում հայերը, երբ իմացան, որ թուրքերը հարձակվելու են իրենց վրա, պատգամավորներ ուղարկեցին կայմախամի մոտ, որ կանխի արհաւիրքը: Սա պատասխանեց. «Հոգ մի ընեք, ձեզի համար բան չկա»²²: Բայց պատգամավորները դեռ չէին վերադարձել, երբ խուժանը լցվեց նրանց գլուղաքաղաքը: Չորս ժամվա ընթացքում ամբողջ Օսմանիեն ավերվեց, 600 հոգի սրի քաշվեց, 250 ողբակից եկեղեցում, թաքնված 23 կանայք դանակահարվեցին²³: Հայերից շատերը իրենք էին նետվում հրդեհի մեջ, որ տանջամահ չլինեին: Թուրքական դահիճներից մեկը (փախածը էոքքեջ) հայե-

16 Տե՛ս Հ ա կ ո բ Հ. Թ եր գ յ ա ն. նշվ. աշխ., էջ 165—166:

17 Նույն տեղում, էջ 176:

18 Զ ա պ ե լ Ե ս ա յ ա ն. Ավերակներուն մեջ. Կ. Պոլիս, 1911, էջ 98:

19 Նույն տեղում, էջ 98—99:

20 Նույն տեղում:

21 Նույն տեղում, էջ 169: Արշակունի Թևոդիկ. նշվ. աշխ., էջ 137:

22 Զ ա պ ե լ Ե ս ա յ ա ն. նշվ. աշխ., էջ 224:

23 Նույն տեղում, էջ 225:

րին կացնահարում ու անդամահատում էր: Ականատեսը պատմում էր. «Ծրեսունհե ավելի հայ վիրավոր, երիտասարդներու գլուխն ու մարմինը շարդ ու փշուր քրավ այդ բորենին»²⁴:

Օսմանիեից հետո խուժանը հարձակվեց Պախլի վրա: Բնակիչները սակավաթիվ զենքերով դիմադրեցին: Նրանք արիաբար կռվեցին մինչև երեկո և տեսնելով, որ պարտվելու են, փորձեցին ճեղքել թշնամու պաշարումը ու հեռանալ: Սակայն 20 հոգուց միայն շորսին հաջողվեց ազատվել, մյուսները զոհվեցին:

Հասան-բեյլի գյուղի վրա ջարդարարները հարձակման անցան ապրիլի 2-ին: Նրա բնակիչները, ըստ որոշ հեղինակների, գյուղապետի որդի Պետրոս Քեշիշյանի²⁵, իսկ ըստ այլոց՝ բնիկ աղանացի Սահակ էֆենդի Տեր-Սահակյանի²⁶ գլխավորությամբ իրենց որսորդական հրացաններով երկու օր դիմադրեցին: Բայց թշնամին գրավեց հայերի դիրքերը և «400 տունների մնացած հասան-բեյլիցիները փախան Ֆրնտրճագ: Թշնամին հետապնդեց նրանց, ուղեցավ սրանց հետ միասին բնաջնջել նաև Ֆրնտրճագիցիներին: Բայց վերջիններս ոտքի կանգնեցին և վճռեցին խուժանին: Գրիգոր Գ. Գուտուլյանը գրում էր. «Ֆրնտրճագացիներն ժայռի զավակ, քաջորդի, գիտցավ ինք-զինք պաշտպանել արի դիմադրությամբ մը և պահպանել իր գոյությունը, թշնամի վայրագ խուժանը Ֆրնտրճագի շրջակա լեռներեն 10—12 օր շարունակ ոռնաց, սակայն չկրցավ մոտենալ և ակոս անցնել»²⁸:

Շեյխ-Մուրադում կամ Շարդերում Տեր-Գևորգը ոտքի հանեց համագյուղացիներին և երեք որսորդական հրացաններով այնպիսի վարպետությամբ ինքնապաշտպանություն կազմակերպեց, որ հակառակորդին թվաց, թե գործ ունեն մեծ ուժի հետ²⁹: 20 հազարի հասնող խուժանը չէր համարձակվում գրոհել և զարմացած ու զայրացած գոռում էր. «Վյավուրներ, անձնատուր եղեք»³⁰: Կռիվը տևեց հինգ օր: Երբ սպառվեց շարդերցիների զինամթերքը, նրանք ճեղքեցին թշնամու օղակումը և շարժվելով Աղանա, փրկվեցին: Ողջ մնացած գյուղացիներից մեկը նշում էր, որ իրենք չէին լքի իրենց դիրքերը, եթե զենք ունենային, մահը նրանց համար սարսափելի չէր, «մեռնիլ չգիտցող մարդը, ապրելու արժանի չէ»³¹:

Ավելի նշանավոր է Տյուրթուլի կամ Զոք Մարզվանի ինքնապաշտպանությունը: Այս գյուղը գտնվում էր Աղանայից հարավ, Միջերկրականի ափին, ուներ 4850 հայ բնակիչ: Բայց այդ թիվը արագորեն մեծացավ, երբ շատերը այլևայլ տեղերից կոտորածներից փախչելով հանգրվանեցին այստեղ: Ապրիլի 2-ին շոքմարզվանցիները, լուր ստանալով, որ խուժանը գալիս է իրենց վրա, որոշեցին դիմադրել և մեռնել ռզնքի ձեռներով³²: Ամբողջ ժողովուրդը, — հիշատակում է Արշակունցի Թեոդիկը, — մեկ սիրտ, մեկ հոգի դարձավ³³: Ինքնապաշտպանության գլուխ կանգնեց Միհրան Մելքոնյանը, որը հմտորեն տանելով գործը, ահեղ կռիվներ վարեց 20 000 թուրքական կանոնավոր զինվորների ու խուժանի դեմ: Տեսնելով, որ կրակներով ու գրոհներով անկարող է կոտորել հայերի դիմադրությունը, թշնամին կտրեց

²⁴ Գրիգոր Գ. Գուտուլյան. Հայ լեռը, կարմիր դրվագներ Կիլիկիոյ ոտնտեն. Կ. Պոլիս, 1912, էջ 43:

²⁵ Տե՛ս Հակոբ Հ. Խևրդյան. նշվ. աշխ., էջ 204:

²⁶ Տե՛ս Գրիգոր Գ. Գուտուլյան. նշվ. աշխ., էջ 51:

²⁷ Նույն տեղում:

²⁸ Նույն տեղում, էջ 60:

²⁹ Տե՛ս Շ. Ա. Զ. Адапские черные дни. Баку, 1909, с. 21; Հակոբ Հ. Խևրդյան. նշվ. աշխ., էջ 220—226:

³⁰ Զապել Եսայան. նշվ. աշխ., էջ 103:

³¹ Նույն տեղում, էջ 100:

³² Նույն տեղում, էջ 254:

³³ Արշակունցի Թեոդիկ. նշվ. աշխ., էջ 176:

ջուրը: Ինքնապաշտպանները ծարավից ուժասպառ էին լինում, երեխաներից շատերը մահանում էին: Զ. Եսայանը այդ առթիվ գրում էր. «Այո, ծարավը Տյորթյուլի պատմության ամենացայտուն դրվագն էր. ինն օր ջուրը կտրած էին. բայց վերջին երեք օրերը միմիայն կատարելապես առանց ջրերի մնացել էին. փոքրիկ տղաքը մեռեր էին ահռելի տանջանքներով...»³⁴: Վսկայն յոյորթյուլցիները ոչ միայն դիմացան, այլև անցան հակահարձակման և, փախուստի մատնելով խուժանին, վերանվաճեցին ջրի ակունքները: Հակառակորդը, Հարողանալով հասնել հաջողության, հեռագրեց իշխանութուններին, թե Զոք Մարզվանի հայերն ապստամբվել են, դորք ուղարկեցե՛ք՝ դանոնք նվաճելու համար»³⁵:

Ինքնապաշտպանության 13-րդ օրը հայերի խնդրանքով հայտնվեցին Ետարեկրյա հյուպատոսները և առաջարկեցին, թե կփրկեն նրանց, եթե հանձնեն իրենց ղեկավար Միհրան Մելքոնյանին: Սակայն հայերը կտրականապես մերժեցին³⁶: Դեպքերից համարյա անմիջապես հետո Տյորթյուլ ժամանած Զապել Եսայանը, հանգամանորեն լսելով կռիվների մասնակիցների պատմածները, գրում էր. «Պառավները սքանչելի եղած էին նաև կովի Երեթին. անոնք էին. որ կխրախուսեին քաջերը, կհեգնեին թուլերը ու հոգնութենե և քնատութենե ջլատվածները հանելով իրենց անկողիններեն՝ կըլրկեին պատենջներու վրա: Պառավները օգնած էին նաև կովողներուն՝ առնու ուտեստ և պաշար հասցնելով, և ծարավի ահռելի օրերուն մեջ պատրանքներով օրորած էին հուսահատողներն ու տառապողները»³⁷: Իրենց հեփոսական պայքարի շնորհիվ չոքմարզվանցիները կարողացան փրկվել կոտորածներից:

Ժամանակակիցները բարձր են գնահատել Զոք Մարզվանի ինքնապաշտպանությունը: 1910 թ. Հ. Շահպաղյանը գրում է. «Զոք Մարզվանը կատարեց ամենեն հույակապ ինքնապաշտպանությունը. տասնհինգ օրվա դիմադրությամբ փրկեց ոչ միայն ինքզինքը, այլև շրջակա գյուղերեն իր մոտ ապաստանողներու և իրեն միացողներու կյանքը»³⁸:

1912 թ. Հակոբ Թերզյանը նշում է. «Տյորթյուլ՝ իր քաջ և անձնվեր ժողովրդին շնորհիվ միշտ այս տեսակ անակնկալ հարձակումներու դեմ հաղթող հանդիսացած է և սարսափ կազդե շրջակա գյուղերուն»³⁹:

Սիամանթոն Կիլիկիայի դեպքերի առթիվ գրեց մի շարք ռանաստեղծություններ, որոնք հայտնի են «Կարմիր լուրեր բարեկամես» վերնագրով: Նա գովերգում էր հատկապես Զոք Մարզվանի հերոսներին, որոնք արիաբար պայքարելով թշնամու դեմ, շատերին փրկեցին անվերապահ կործանումից⁴⁰:

Խառնիում հայերը հաջողությամբ հետ շարտեցին ջարդարարներին: Համոզվելով, որ գրոհով չեն կարողանում նվաճել հայոց դիրքերը, նրանք դիմեցին նենգության, առաջարկելով հաշտություն: Խառնեցիները հավատացին և դուրս գալով իրենց ամրություններից, շարժվեցին դեպի հակառակորդը: Դահիճները անմիջապես շրջապատեցին նրանց, դինամիտներ և մինչև վերջինը սվինահարեցին⁴¹:

Սիսը գտնվում էր Ադանայի հյուսիս-արևելյան կողմում և ուներ 2000 տուն բնակիչ, որից 1500-ը՝ հայ: Ապրիլի 1-ին հայերը լսեցին կոտորածների լուրը, իսկ ապրիլի 2-ին կանգնեցին փաստի առաջ: Ուժրագործները «հաղարներով եկեր էին պաշարելու զիրենք, աչքերին վառած թալանի ու կողոպտի հրալրքեն և բերաններին լեցուն հայհուլություններով և սպառնա-

³⁴ Զապել Եսայան. նշվ. աշխ., էջ 261:

³⁵ Արշակունի Թեոդիկ. նշվ. աշխ., էջ 196:

³⁶ Նույն տեղում, էջ 187:

³⁷ Զապել Եսայան. նշվ. աշխ., էջ 252—253:

³⁸ «Ազատամարտ», 1910, № 249:

³⁹ Հակոբ Հ. Թերզյան. նշվ. աշխ., էջ 220:

⁴⁰ Տևա Սիամանթոն. Ընտիր երկեր. Երևան, 1957, էջ 185:

⁴¹ Տե՛ս Генонид армян... с. 191.

լիքներով»⁴²։ Սսի հայերը Կիլիկիայի աթոռի միաբան Ղևոնդ ծայրագույն վարդապետ Թուրսարգսյանի և Սսի Շնորհ կաթողիկոսի գլխավորությամբ դիմեցին ինքնապաշտպանության⁴³։ Արհեստավորները թողեցին իրենց ամենօրյա զբաղմունքը, իսկ գյուղացիները մի կողմ դրեցին գործիքները և զենք վերցրեցին։ «Ու ամենքը,— պատմում է մասնակիցներից մեկը,— նույնիսկ պատանիներ ու ծերունիներ... հայրենի քաղաքի պաշտպանության հոգով, ջերմեռանդ ուրախությամբ կռիվենք որոշված դիրքերը...»⁴⁴։ Շնորհիվ անձնազոհ պայքարի, Միսր փրկվեց կոտորածներից։ Թշնամին, չկարողանալով ներխուժել քաղաք, թողեց նրա պաշարումը և հեռացավ։

Փոքր-ինչ այլ կերպ դասավորվեց Հաճընի ճակատագիրը։ Այդ քաղաքը գտնվում էր Ադանայից հյուսիս և ուներ 5000 տուն հայ բնակիչ։ Նրանցից շատերը վաստակ որոնելու նպատակով ցրված էին «Կիլիկիո բոլոր կողմերը» և թեև արիարար մասնակցեցին տվյալ վայրերի դիմադրական կռիվներին, բայց և այնպես զոհվեցին։ Իրազեկները նշում են, որ ամենաշատ մարդկային կորուստները Հաճընը ձուլեց⁴⁵։ Ջարդերից փրկված հայոց առանձին զանգվածներ տարբեր տեղերից եկել պատսպարվել էին Հաճընում և անցել իրենց եղբայրների ու քույրերի պաշտպանության տակ։ «Տուն չկար, որ այրի մը ու քանի մը որբ շունենար իր երդիքին ներքև»⁴⁶։ Այդուհանդերձ հաճընցիները, երբ իմացան, որ թուրքական զորքն ու խուժանը հարձակվելու են իրենց վրա, ներսես ծայրագույն վարդապետի գլխավորությամբ դիմեցին ինքնապաշտպանության։ Շուտով թշնամին պաշարեց քաղաքը, բայց հանդիպելով ահեղ դիմադրության, չկարողացավ այն վերցնել։ Խուժանը փորձեց թալանել հաճընցիների հոտերը, սակայն վերջիններս հետապնդելով հետ խլեցին իրենց ունեցվածքը։ Ավելին՝ հաճընցիները տեսնելով, որ իրենց զինամթերքը սպառվում է, հարձակվեցին կառավարության զինանոցների վրա, բայց հաջողության չհասան։ Այն ժամանակ նրանք սկսեցին վերանորոգել և օգտագործել իրենց հին զենքերը։ Թշնամին, համալրելով իր շարքերը, նորանոր հարձակումների էր անցնում, բայց ամեն անգամ ջարդվում ու հետ էր շարժվում։ Հայերը որոշել էին «մեռնիլ ու չհանձնվիլ» և այդ նշանաբանով վարում էին կռիվը։ Սակայն տեսնելով, որ իրենց ուժերը գնալով նվազում են, սկսեցին միջամտության և օգնության հեռագրեր ուղարկել Ադանայի կուսակալին։ Վերջինս պատասխանեց, թե հազարապետին կուղարկի օգնության։ Սակայն սա ժամանելով Հաճըն, օգնեց ոչ թե պաշարվածներին, այլ նրանց հակառակորդներին։ Ձնայած դրան հաճընցիները համառորեն շարունակեցին գոյամարտը։ Եվ երբ սուլթան Համիդ II-ը վերջնականապես տապալվեց ու իշխանությունն անցավ երիտթուրքերի ձեռքը, զինվորներն ու խուժանը քաշվեցին, Հաճընի հայերը փրկվեցին։ Ինքնապաշտպանական «կռիվների մասնակիցներից մեկն ասում էր. «Ճասնեթու օր տասնյակ հազարներն բաղկացած խուժանի դեմ քաջաբար դիմադրելն ևս քաղաքի անհաղթանք»⁴⁷։ Մի այլ հեղինակ գրում է, որ Հաճընը «իր անհավատալի պաշտպանությամբ, իր վեհանձն ու մարտնչող ոգիով ընդհանուր դժբախտության մեջ այն բացառիկ անկյուններն մեկն է, որուն մեր ազգային հպարտությունը պետք ուներ կառնելու»⁴⁸։

Ահեղ կռիվներ տեղի ունեցան նաև Ղարսբաղարում, որն ընկած էր Սսից արևելք, և ուներ 1000 հայ բնակիչ։ Հայազգի թուրքական ոստիկան Ջին Թորոսը, իմանալով, որ զինվորներն ու խուժանը հարձակվելու են այդ գյուղի վրա, կազմակերպում է նրա բնակիչների ինքնապաշտպանությունը, մաս-

⁴² Ձ ա պ ե լ Ե ս ա յ ա ն. նշվ. աշխ., էջ 177—178։

⁴³ Տ Ե ս Հ ա կ ո Ր Հ. Թ Ե Ր Վ յ ա ն. նշվ. աշխ., էջ 229—232։

⁴⁴ Ձ ա պ ե լ Ե ս ա յ ա ն. նշվ. աշխ., էջ 178։

⁴⁵ Ն ո յ յ ն տեղում, էջ 181։

⁴⁶ Ն ո յ յ ն տեղում, էջ 182։

⁴⁷ Հ ա կ ո Ր Հ. Թ Ե Ր Վ յ ա ն. նշվ. աշխ., էջ 243։

⁴⁸ Ձ ա պ ե լ Ե ս ա յ ա ն. նշվ. աշխ., էջ 181։

նակից դարձնելով դրան հարևան թուրք գյուղացիներին: Նա այնպես է տեղաբաշխում իր մարտիկներին դիրքերում, որ նրանք հեշտությամբ հետ են շարտում թշնամու գրոհները: Թուրքերը մի քանի անգամ կրկնում են իրենց հարձակումները, նույնիսկ կարողանում են հրդեհել 60 տուն ու 100 խրճիթ, սակայն հայերը համառորեն դիմադրում են և փրկվում կոտորածներից⁴⁹: Զապել Ծսայանը նշում է. «Ղարս-բազարի ինքնապաշտպանությունը, իր թվին անհամեմատ պզտիկությունով, իր ունեցած զենքերուն տեսակի ու քանակի անբավականությունով այն հրաշքներեն մեկն է, որ պարծանքով կրնանք արձանագրել մեր ազգային պատառոտուն և ցավագին պատմության մեջ»⁵⁰:

Համիդիեում, որը գտնվում էր Ադանայի հարավ-արևելյան կողմում և ուներ 1000 տուն բնակիչ, որից 100-ը հայ, դինվորներն ու խուժանը հարձակման անցան ապրիլի 1-ին: Բայց թուրքական մի քանի պաշտոնյաներ թույլ չտվեցին նրանց հոշոտելու հայերին: Այնժամ թշնամին նրանց համարեց քրիստոնյաներ և պատրաստվեց դրանց ևս բնաջնջել: Պաշտոնյաները ստիպված տեղի տվին: Զինվորներն ու խուժանը նետվեցին հայերի վրա: Այդ ծանր պահին մարաշցի Հովհաննեսն ու Սարգիս Աղազարյանը կարողացան կազմակերպել իրենց համագյուղացիներին և դիմագրավել թշնամուն: Տեղ-տեղ նրանք նույնիսկ փախուստի մատնեցին հակառակորդին: Բայց պարտվեցին: Թշնամին դաժան հաշվեհարդար տեսավ հայերի հետ, Նինայելով ոչ ոքի:

Դահիճները Համիդիեի 1300 հայերից կենդանի թողեցին միայն 90 կին, որոնց մի մասին էլ մահմեդականացրին⁵¹:

Կյավուրբոյ գյուղն ընկած էր Ադանայի արևմտյան կողմում և կոչվում էր նաև իրիստիանքոյ կամ ուղղակի Հայգյուղ: Նրա բնակիչները հենց որ իմացան թշնամու հարձակման մասին, կազմակերպվեցին և քաջաբար դիմագրավեցին: Արշակունցի Թեոդիկը գրում է. «Դյուցազնական եղած էր այն դիմադրությունը, զոր ըրած էին Կյավուր-Քյոյի բնակիչները»⁵²: Երեք օր, երեք գիշեր նրանք համառորեն պայքարեցին, իսկ երբ զինամթերքը սպառվեց, գիշերով լքեցին իրենց դիրքերը և, ճեղքելով հակառակորդի օղակը, ազատվեցին⁵³:

Ողբերգական եղավ Սիսի մոտերքում գտնվող Չոխախ գյուղի հայերի ճակատագիրը: Երբ լսեցին կոտորածների մասին, նրանք իրենց կանանց ու երեխաներին ուղարկեցին Սիս և անցան ինքնապաշտպանության: Նրանց հարևան մահմեդականները հայտարարեցին, թե գալիս են իրենց պաշտպանելու: Բայց մտնելով Չոխախ, բոլորին սրի բաշեցին⁵⁴:

Կարելի է բերել հայկական կոտորածների ու ինքնապաշտպանական կռուվների մասին նաև այլ փաստեր: Բայց սահմանափակվենք այդքանով: Նշենք, որ 1909 թ. ապրիլի առաջին կեսին համարյա ամբողջ Ադանայի վիլայեթն այրվում էր բոցերի մեջ: Բացառություն կազմեց միայն Սելեկյան սանջակը:

Դահիճները շահամանափակվեցին միայն Ադանայի կուսակալությամբ: Նրանք հրի ու սրի ենթարկեցին նաև Հալեպի նահանգի բազմաթիվ հայաբնակ գյուղեր: Ապրիլի սկզբին թուրքական զինվորներն ու խուժանը կոտորեցին Անթաքիայի, Քեսապի, Գըրըզ խանի, Աթըզ, Գանլը-Տերե, Սարը-Զինար, Սողանճ, Մեզկիթեո, Հաճի-Մուսալը և այլ հայ գյուղերի բնակիչներին: Զարդերից զերծ մնացին միայն Մարաշն ու Զեյթունը՝ շնորհիվ նրանց հայ

⁴⁹ Տե՛ս Հ ա կ ո Ր Հ. Թ ե ր զ յ ա ն. Նշվ. աշխ., էջ 249—250: Զ ա պ է լ Ծ ս ա յ ա ն. Նշվ. աշխ., էջ 191—195:

⁵⁰ Զ ա պ է լ Ծ ս ա յ ա ն. Նշվ. աշխ., էջ 191:

⁵¹ Տե՛ս Հ ա կ ո Ր Հ. Թ ե ր զ յ ա ն. Նշվ. աշխ., էջ 194:

⁵² Ա Ր շ ա կ ո Ւ Ն Ի Թ ե ո դ ի կ. Նշվ. աշխ., էջ 114:

⁵³ Նույն տեղում:

⁵⁴ Տե՛ս С. З. Указ. соч., с. 14—15.

ու թուրք ղեկավարների համերաշխության⁵⁵։ Անշուշտ, Հալեպի նահանգում ևս հայերը որոշ տեղերում դիմագրավեցին թշնամուն, բայց նրա գերազանց ուժերի առաջ տեղի տվեցին։ Ամենուրեք, ուր հայերը դիմադրում էին, ավելի քիչ էին զոհեր տալիս, քան այն ժամանակ, երբ հանձնվում էին թշնամու ողորմածությանը։

Հարկ է նշել, որ տղամարդկանց հետ միասին ինքնապաշտպանական մարտերին մասնակցում էին նաև կանայք։ Թուրքական դարավոր արյունոտ լուծը չէր կարողացել սպանել ինչպես հայի, այնպես էլ հայուհու ազատատենչ ոգին։ Կանայք օգնում էին իրենց ամուսիններին, եղբայրներին ու որդիներին, ոմանք նույնիսկ զենք էին վերցնում ու նետվում ռազմադաշտ։ Իսկ երբ դուրթյունը դառնում էր անհուսալի, շատերն ինքնասպան էին լինում, որ չընկնեն թշնամու ձեռքը։ Այսպես. Գոգ-Օլուդում նորապսակ գեղանի Պերճուհին շուգենալով արատավորվել, հրամայաբար պահանջեց ամուսնուց սպանել իրեն։ Որքան էլ դա դաժան էր, ամուսինը կատարեց նրա պահանջը⁵⁶։ Միսիսում մի հայուհի, երբ տեսավ, որ թշնամին հաղթում է, իր 8 աղջիկների մազերն իրար հյուսեց, «որպեսզի իրենց տունը հրդեհված պահուն» չկարենային անոնք դուրս փախչիլ և իշնալ կատաղած խուժանին պիղծ ձեռքերում մեջ»⁵⁷։ Եվ այդպես նաև ուրիշները, որոնք իրենց պատիվը փրկելու համար «նախամեծար համարեցին ողջ-ողջ իրենց կյանքի բույնը լափիլզոդ բոցերու մեջ նետվիլ, այրիլ ու ճենճերվիլ, Սիհանի ու Ճիհանի ալիքներուն ծոցը ապաստանիլ, խեղդամահ ըլլալ...»⁵⁸։

Անշուշտ, բոլոր մահմեդականները չէին, որ կոտորում էին հայերին։ Ընդհակառակը՝ մի մասը օգնում էր նրանց և փրկում կործանումից։ Միսում, օրինակ, թուրք բնակիչները միացան հայերին և մի ամբողջ շաբաթ դիմադրեցին ջարդարարներին⁵⁹։

Օսմանիեում մի հասարակ թուրք առևտրական անխուսափելի բնաջնջումից ազատեց հարյուրավոր հայերի, օրերով ու շաբաթներով նրանց պահեց իր տանը, իսկ երբ արհավիրքն անցավ, տարավ հանձնեց կայմականին։ Այնուհետև հաճախ այցելում էր այդ հայերին, հետաքրքրվում նրանց բախտով⁶⁰։

Մուրֆեստ գյուղում, երբ խուժանը հարձակվեց հայերի վրա, Մահմուդ Խոջան կազմակերպեց նրանց ինքնապաշտպանությունը և փրկեց կոտորածներից։

Այդպիսի գեր կատարեց նաև Պոլրազ Քյոսեն Պաճե գյուղում։ Նա ոտքի հանեց հայերին ջարդարարների դեմ և զոհեց դրանց։ Ուշագրավ է, որ երբ այդ թուրքը հանգամանքների բերումով բացակայում էր գյուղից, հայերի ինքնապաշտպանության գործը ղեկավարում էր նրա կինը։ Զապել Ծալանը գրում է. «Հարյուր հիսուն հայ իրենց կյանքը կպարտին Պոլրազ Քյոսեին»⁶¹։

Էրզնում երկու թուրքեր՝ Սապըդ Մյուֆթին և Մուսա էֆենդին հավաքում են 200 հայերի և տեղավորում խանում։ Երբ խուժանը հարձակվում է խանի վրա, նրանք հայերին տեղափոխում են բանտ և շարունակում պաշտպանել նրանց։ Զարդարարները պաշարում են բանտը, կտրում նրա կապը դրսի հետ և ձգտում են հայերին սովամահ անել։ Սակայն 20-ամյա Մեհմեդը, արհամարհելով մահը, ուտելիք է հասցնում նրանց։ Դեպքերի իրադեպը պատմում էր, որ «երբ պաշարյալներուն գրպանի դրամը կսպառի, այն ատեն ինքը կտրամադրե հինգ ոսկի, միակ խնայողությունը, որ ըրած էր

55 Տե՛ս 2 ա կ ո ղ 2. Թ ե ղ յ ա ն. նշվ. աշխ., էջ 264—266։

56 Նույն տեղում, էջ 174։

57 Արշակունցի Թ ե ո գ ի Կ. նշվ. աշխ., էջ 137։

58 Ն ե ռ ս ե ս ե պ ի ս կ ո պ ո ս Դ ա ն ի ե լ յ ա ն. Կաթիլ մը շուր ալրած սրտերու. Կ. Պոլիս, 1912, էջ 50։

59 Տե՛ս Генощид армян..., с. 177։

60 Տե՛ս С. З. Ухаз. соч., с. 17—18։

61 Զ ա պ ե լ Ծ ա յ ա ն. նշվ. աշխ., էջ 216։

Երկու-երեք տարին ի վեր՝ աշխատելով ճարտարապետ Կիրակոս՝ ռեստային քով: Էրզրնցի 200 հայեր մեծ մասը պանդուխտ, իրենց կյանքը կպարտին այդ ղեկահաս թուրք երիտասարդին»⁶²:

Մերսինում հայերը կոտորածներից փրկվեցին ռազմական իրենց լուսա-
միտ, արթուն ու բարեխիղճ կառավարչին...»⁶³։

Հայաստանի Կոմունիստական գործունեություն ժալալեցին նաև որոշ քրդեր, չերքեզներ ու չերքեսկուհիները, Համիդիեում, Տարսուտում, Հաճընում, Գյուկլունում, Շարդերում և այլ տեղերում նրանք, վտանգելով իրենց կյանքը, փրկեցին շատ հայերի⁶⁴։

Բայց այդպիսի մարդկանց թիվը, ցավոք, քիչ էր: Համարյա ամենուրեք մասնագետական մոլեռանդ բնակչության մեծամասնությունը, կույր գործիք լինելով իրենց մուլանների ու պաշտոնյանների ձեռքերում, ակտիվորեն իրագործում էին նրանց հայացիւնք քաղաքականությունը:

Կոտորածների օրերին հայախաաստ որոշ գործունեություն ծավալեցին նաև մի շարք օտարերկրացիներ: Այսպես, ռուսական հյուպատոսության թարգմանիչ Յանգո Արտյոմիի ժեր մայրը Ադանայում փրկեց 300 հայ, երեք օր պահելով ու խնամելով նրանց⁶⁵: Ամերիկյան վարժարանի տնօրեն տի-կին Քարմելայթ Քրիստիկը Տարսոնում վերահաս կործանումից ազատեց հազարավոր հայերի⁶⁶: Իսկ ամերիկուհի միս Ռոզե Լեմբըթը Հաճընում իր խնամքի տակ վերցրեց բազմաթիվ հայ որբերի և փրկեց նրանց կործանու-մից: Հետագայում նա, գնալով Ամերիկա, հատուկ գիրք գրեց Հաճընի հա-յերի ինքնապաշտպանության մասին⁶⁷: Ֆրանսիացի մի ընտանիք Համի-դիեում իր մոտ պատսպարեց ջարդերից փախած շուրջ 1000 հայի և սնունդ ու հագուստ տվեց նրանց⁶⁸: Իտալացի ֆեանցիսկյան մի վարդապետ և ֆրան-սիական փոխհյուպատոս էդգար Ժեոֆրուան Սվեդիայից նավով տեղափո-խեցին շուրջ 2000 հայ, որոնք դատապարտված էին ուշևիցաման⁶⁹: Ֆրան-սիացի հոգևոր քարոզիչներին շատերը ժամհաշված հայուն առջև իրենց դուռն ու գիրը բացին, իրենց բերնին հացը տվին անոթիներուն, իրենց ան-կողինը՝ վիրավորներուն, հիվանդ մանկիկներուն ու ծոցվոր կնիկներուն⁷⁰: Երբ թուրքական իշխանությունները առաջարկեցին հանձնել հայերին, նը-րանք պատասխանեցին. «Նախ մեզ սպանեցեք, ապա կհանձնենք այս թըշ-վառները»⁷¹: Հուլյն կապիտալիստ Բրիփանը Ադանայի իր գործարանում պատսպարեց հազարավոր հայերի⁷²: Ֆրանսիացի գործարանատիրոջ կին մադամ Սարաթինն Համիդիեում ջարդերից փրկեց 750 հայ և մեկ ամիս պա-հեց ու կերակրեց նրանց⁷³:

Այլ էր, սակայն, մեծ տերությունների վարքագիծը: Զգտելով ամրապնդել իրենց դիրքերը Թուրքիայում և այդ նպատակով բարեկամական կապեր հաստատել թուրքական իշխանությունների հետ, նրանք չէին բռնում դահճների ձեռքը, ցուցաբերում էին անտարբերություն և երբեմն էլ անուղղակի օգնում էին նրանց: Օրինակ, Ազգլիան, Ֆրանսիան, ԱՄՆ-ը, Գերմանիան, Ռուսաստանը և Իտալիան իրենց նավերը կանգնեցրին միայն Ալեքսանդրեոսում ու Մերսինում: Հայերը բազմիցս դիմեցին նրանց օգնու-

⁶² Նույն տեղում, է, 264—265.

⁶³ Սուրեն Պարիկյան. Կիլիկյան արձավիրները. Կ. Պոլիս, 1909, էջ 33:

64 *Сб.* С. 3. Указ. соч., с. 19—20.

65 *St'u* 2 *u* *q* *n* *r* 2. *p* *l* *r* *q* *j* *u* *n*. *u*24. *u*24. *u*24. 37:

66 Նույն տեղում, էջ 165—166.

67 Նույն տեղում, էջ 243:

68 SL'u 2 m y l 1 T n w 1 w n. 274. 275. 276. 277.

69 *Sē'u* *U n i r l ē* *ŋ w r β l j w ē.* *h24. w2h., h7 43:*

70 Նույն տեղում, էջ 48:

၁၂ နှစ်တွင် တစ်နှစ်မျှ

⁷² նույն տեղում, էջ 144, ՏԼ՝ս նաև Արշակունւհի թւոյիկ. նշվ. աշխ., էջ 57:

7. Արշակունի Թեոդորկ. նշվ. աշխ., էջ 149.

թյանը, բայց ապարդյուն: Անգլիական հյուպատոսը կոտորածների օրերին երկաթուղով անցնում էր Ադանայից Մերսին և սառնորեն դիտում տեսարանը⁷⁴: Գերմանացի դիվանագիտական աշխատողները Ադանայում իրենց հաճուքի համար պատուհաններից հացի փշրանքներ էին նետում քաղցած հայերի առաջ և նկարահանում տեսարանը⁷⁵: Սուրեն Պարթևյանը նշում է, որ երբ ինքը, պատրիարքարանի պատվիրակության անունից, Ադանա—Մերսին գերմանական երկաթուղու տնօրենին խնդրում է հաց փոխադրել Ադանայի սովյալների համար, ստանում է մերժողական պատասխան⁷⁶:

Բնորոշ է, որ տերութունները կոտորածներից չփրկեցին նույնիսկ այն հայերին, որոնք նրանց պաշտպանության տակ անցնելու համար տարբեր ժամանակներում թողել էին լուսավորչականությունը և ընդունել կաթոլիկություն ու բողոքականություն: Իրազեկն արձանագրում էր, որ ընդհանրապես, Շեվրոպան անտարբեր ու ձանձրացած ականջով մը լսեց հայկական կոտորածներու այս նոր գույժը⁷⁷:

Անցնենք այժմ Կիլիկիայում 1909 թ. զոհված հայերի թվաքանակի հարցին: Աղբյուրներում և գրականության մեջ տարբեր տեղեկություններ կան այդ մասին: Այսպես. օսմանյան կառավարության կողմից նշանակված քրնիչ հանձնաժողովը 1909 թ. ամռանը հայտարարեց, որ ամբողջ Ադանայի նահանգում սպանվել է 5683 մարդ, որից 1487-ը մահմեդական, իսկ 4196-ը՝ քրիստոնյա⁷⁸: Ադանայի կուսակալը 1909 թ. մայիսի 1-ին նշեց, որ իր նահանգում սպանված են 1924 և վերավորված 533 մահմեդական, իսկ հայերից զոհված են 1455 և վերավորված՝ 383 մարդ⁷⁹:

Կ. Պոլսի հայոց պատրիարքարանի տվյալներով 1909 թ. Կիլիկիայում սպանվել է 20000—30000 հայ⁸⁰: Այդ քանակը հավաստեց նաև Ադանայի ֆրանսիական հյուպատոսը⁸¹: Ֆրանսիացի պատմաբան Ժորժ Բրեզոլը 1911 թ. Փարիզում հրատարակած իր «Այստեղից թուրքեր են անցել... ճշմարտությունը 1909 թվականի Ադանայի կոտորածների մասին» արժեքավոր աշխատությունում, հանգամանորեն վերլուծելով փաստերը, եկավ այն եզրակացության, որ «հայ ազգը կորցրեց երեսուն հազար մարդ»⁸²:

Կ. Պոլսի ռուսական դեսպան Ի. Ա. Զինովևը 1909 թ. ապրիլի 18-ին դրում էր, որ Ադանայի վիլայեթում սպանվել են 15000 քրիստոնյա, գերադանցապես հայ⁸³: Հավանական է, որ նա ձեռքի տակ դեռ չունեի զոհերի լրիվ թվաքանակը:

1913 թ. հուլիսին բոլշևիկյան «Պրավդան» մատնանշեց, որ Ադանայում 1909 թ. կոտորվել է շուրջ 30 000 հայ⁸⁴:

Կիլիկիայի 1909 թ. զոհերի մասին տարբեր տվյալներ են հիշատակվում նաև մեր օրերում: Պատմության թուրք կեղծարար էսստ Ուրասը 1950 թ. Անկարայում լույս ընծայած իր աշխատություններից մեկում գրում է, թե իբր հայերից սպանվել է միայն 1000 մարդ⁸⁵:

74 Տե՛ս Հ ա կ ո Ր Հ. Թ ե Ր Ղ յ ա ն. նշվ. աշխ., էջ 49—50:

75 Ա Ր Հ ա կ ո Ւ Հ ի Թ ե Ր Ղ ի Կ. նշվ. աշխ., էջ 27:

76 Տե՛ս Ս ու Ր ե ն Պ ա Ր Թ է յ ա ն. նշվ. աշխ., էջ 179—180:

77 Նույն տեղում, էջ է:

78 Տե՛ս Հ ա կ ո Ր Հ. Թ ե Ր Ղ յ ա ն. նշվ. աշխ., էջ 694:

79 Տե՛ս նույն տեղում, էջ 300:

80 Տե՛ս С. З. Указ. соч., с. 29:

81 Նույն տեղում:

82 Մերձավոր և Միջին Արևելքի երկրներ և ժողովուրդներ, V, Թուրքիա. Երևան, 1970, էջ 312:

83 Տե՛ս Геноцид армян..., с. 168:

84 Правда (1912—октябрь 1917 г.), Социал-демократ (1908—1917 гг.): О Закавказье (сборник), составитель Г. А. Исаакян. Ереван, 1968, с. III:

85 Մերձավոր և Միջին Արևելքի երկրներ և ժողովուրդներ, V, Թուրքիա, էջ 307:

Սովետական պատմագրանները նշում են, որ 1909 թ. Կիլիկիայում զոհվել է մոտ 30000 հայ⁸⁶։

Անշուշտ, թուրքական պաշտոնական շրջանների և նրանց կրկնող պատմության թուրք կեղծարարների տվյալները հեռու են իրականությունից: Ներառել խեղաթյուրում են պատմական փաստերը, ծուռ հայելու մեջ են ներկայացնում իրական պատկերները, որպեսզի նսեմացնեն իրենց վայրագությունները:

Ճշմարտության մոտ պիտի համարել Հայոց ազգային վարչության քըն-
նիչ մասնախմբի տեղեկությունները, որոնք բարեխղճորեն և ուշադրությամբ
հավաքվեցին ջարդերից համարյա անմիջապես հետո: Համաձայն այդ տե-
ղեկությունների, 1909 թ. Կիլիկիայում թուրքական բարբարոսների կողմից
սպանվել են 22512 քրիստոնյա, որից 18839 հայ, 1250 հույն, 850 ասորի և
422 քաղղեացի⁸⁷: Դրանց մեջ չեն հաշվված այն հայ պանդուխտ-մշակները
կամ արտաքսաց-գյուղացիները, որոնք Անատոլիայի, հատկապես Արևմուտ-
յան Հայաստանի զանազան շրջաններից վաստակի համար մեկնել էին Կի-
լիկիա, աշխատել նրա արդյունաբերության և գյուղատնտեսության մեջ (նը-
րանք չէին գրանցված որևէ տեղի և, հետևաբար, չէին կարող հաշվի առնվել
Հայոց ազգային վարչության քննիչ մասնախմբի կողմից): Մի շարք հեղի-
նակներ գտնվում են, որ դրանց թիվը հասնում էր 10000—15000-ի⁸⁸,

1910 թ. «Ազատամարտի» թղթակից Հակոբ Շահպազյանը բերում էր ավելի հավաստի տեղեկություններ, նշելով, որ 1909 թ. Կիլիկիայի 254 թուրքաբնակ գյուղերում դահիճների կողմից կոտորվեցին 10293 հայ արտագնաց-գյուղացիներ: Նրանք ժողորո մշակներ և նվազ մասով արհեստավորներ են. հաճրեցի, խարբերդցի, կապանցի, ֆրնուզցի, կարնեցի, էվերենցի, անտիոքցի, կյավուրտաղցի, կեմեռեկցի, սվազցի, անտիամանցի, պեսնիցի, մալաթիացի, սղերդցի, ուրֆացի, մուշեցի, ալպիստանցի, տիվրիկցի և այլն»⁸⁹:

Հայ մշակները թուրքական գյուղերից զատ հարյուրներով ու հազարներով, տեղացիների հետ միասին, սպանվեցին նաև հայկական բնակավայրերում⁹⁰,

Մի շարք հեղինակներ վկայում են, որ կոտորածների ժամանակ տեղացիներն ավելի քիչ սպանվեցին, քան եկվոր-մշակները: Այսպես, օրինակ, Ներսես եպիսկոպոս Դանիելյանը գրում է, որ Կիլիկիայի ահապոր եղեմնի կենտրոնը թեև Առանան էր, բայց զոհերի մեծ մասը դրսեցի, մասնավորապես՝ հաճրնցի հայերն էին⁹¹։ Նույն բանն է հաստատում նաև Ս. Պարթևյանը⁹²։

Նրե Հայոց ազգային վարչության ֆենիչ մասնախմբի վերոհիշյալ 18839 սպանված տեղացի հայերի թվի վրա ավելացնենք եկվոր հայ մշակ գոհերի թիվը. որք, ինչպես արդեն ցույց տվեցին փաստերը, կազմում էր անվազն 10000—15000, ապա անվերապահորեն պիտի համաձայնվել այն եզրակացուրյան հետ, որ Կիլիկիայում 1909 թ. բուրժական ոճրագործների կողմից կոտորվել է շուրջ 30000 հայ:

⁸⁶ Տե՛ս Հայ ժողովրդի պատմություն. հ. VI, Երևան, 1981, էջ 499. Հայ ժողովրդի պատմություն. Երևան, 1985, էջ 317: Մ. Պ. Աղալյան. Հայ ժողովրդի ազատագրական պայքարի պատմությունից. Երևան, 1976, էջ 273: Е. К. Саркисян. Полптика османского правительства в Западной Армении и державы в последней четверти XIX и начале XX в. Ереван, 1972, с. 266.

87 *Sh'u* 2 w 4 n p 2. *P b r q j w n*. *h y f*. *ay h u*., 4, 281.

⁹³ *Sb'u* С. З. Указ. соч., с. 31; Геноцид армян..., с. 193, О. Г. Инджикян. Буржуазия Османской империи. Ереван, 1977, с. 70.

82 «Ազատամարտ», 2/15 ապրիլի 1910.

⁹⁰ Տե՛ս Հ ա կ ու ր Հ. Թ ե ր գ յ ա ն. նշվ. աշխ., էջ 176, 189 և այլն:

91 *Sh'n' ū b r u b u b w i t u l r w n u Ṭ w n i b b i w n. ū ṭ. w ṭ. ṭ. 15.*

⁹² Sē'u U n i r h ũ m w r β k j w ũ. ũzq. wazhu., t? 128:

Դահլիճները մի շարք հայաբնակ գյուղերում թողեցին բնակչության շրջին մասը (Մխիթում, օրինակ, 1000 մարդուց կենդանի մնացին 86-ը, Ինչիրլիքում՝ 700-ից 60-ը, Խարնիում՝ 190-ից 9-ը, Քրիստոսում՝ 45-ից 3-ը և այլն), իսկ այլ տեղերում սրի քաշեցին բոլորին⁹³։

Բայց այդ ամենը դեռ մի կողմ թողած։ Կոտորածներից հետո Կիլիկիայի փրկված հայությունը մնաց անօթևան, սովի ու հիվանդությունների ճիրաններում ու շարունակեց բնաջնջվել նաև, այսպես կոչված, խաղաղ պայմաններում։ Ահա այդ մասին ուղևորների և ուսումնասիրողների կողմից արձանագրված մի քանի վկայություններ։

Ջապել Ծսայանը գրում է, որ Ադանայում «բան մը չէ խնայված, բոլոր հեղեղները, բոլոր դպրոցները ու բոլոր բնակարանները անձև ու խանձված քարի կույտերու վերածված են՝ որոնց մեջ են անդին ասդին շենքերու կմախքներ կցցվին»⁹⁴։ Նվազապա՝ «Հոն տեսա մայրեր, որ իրենց զավակները խեղդած էին, անոնց մանկական ճիշերեն շատնելու համար իրենց թաքստոցին մեջ, հոն տեսա կիներ, որ անդամալուծված, լեղունին թուշերուն վրա կախված, անկարող էին իրենց սրտին ցավը գոշելու։ Հոն տեսա խեղճարվածներ, որ փոխանակ մոռնալու, սոսկալի վայրկյանը կապրեին շարունակաբար»⁹⁵։ Նրանք, օրինակ, վերհիշում էին իրենց ապրածն ու տեսածը, պատմելով. «Շարքով դրին հոն, քովն քով, ու զարկին, զարկին, զարկին, ու ամենքն ալ սանկ երեբացին մեկ մը ու ինկախ...»⁹⁶։

Հակոբ Թերզյանը բերում է Կիլիկիայի հայոց հոգևոր առաջնորդների ու բնակիչների հեռագրերը Կ. Պոլսի հայոց պատրիարքին, ուր նրանք նկարագրում էին իրենց դրությունը և հայտնում խնդրանքներ։ Այսպես, 1909 թ. ապրիլի 22-ին Հաճընի հոգևոր առաջնորդ Ներսեսը հեռագրում էր. «15000 կարոտյալներու անունով փրկություն կթախանձենք»⁹⁷։ Իսկենդերունի բնակիչները 1909 թ. ապրիլի 20-ին հայտնում էին. «Հացի կարոտ ենք, մեծ ու պզտիկ, կին ու տղա, 12000 թշվառներ ենք և ձեր գթությունը կկարոտինք...»⁹⁸։

Սոսկալի էր հատկապես երեխաների դրությունը։ Նրանք չէին դիմանում սովին, ցրտին ու հիվանդություններին և ուղղակի բնաջնջվում էին։ 1909 թ. ապրիլի 12-ին Հալեպի հոգևոր առաջնորդ Շահն վարդապետը հեռագրում էր Կ. Պոլսի հայոց պատրիարքին, որ իր վիճակում «12000-է ավելի որբեր և այրիներ, բաց օդի մեջ, ծվին ծվին հղած սովալուով, հիվանդ ու անխնամ մնացած են, թշվառ և գուժի արժանի վիճակի մը մեջ են։ Այս կուտակված աղետյալներու մեծ մասը կառավարութենեն օգնություն չստանար և ինչ որ կհայթայթվի անոնց համար շատ ոչինչ է»⁹⁹։ Ապա ավելացնում էր, որ հանգանակության կարգով հավաքած գումարով չեն կարող նույնիսկ աղ գնել։

Ադանայում օրական 100-ից ավելի մանուկներ էին մեռնում համաճարակից։ «Հինգ տարեկան են փոքր մանուկներ շատ քիչ մնացին»¹⁰⁰։ Անգամ երիտթուրքական «Թանին» թերթը 1909 թ. հունիսի 30-ին հայտնում էր, որ «բուն իսկ Ադանայի մեջ 532 որբեր բնակարանի և սնունդի պակասութենեն մեռած են»¹⁰¹։

Սուրեն Պարթևյանը փորձում է ավելի կոնկրետ տվյալներ բերել Կիլիկիայի տարաբախտների մասին։ Նա նշում է, որ Ադանայի վիլայեթի մի շարք շրջաններում 40000 հայեր գտնվում են անօթևան ու սովահաղ վիճա-

93 Տե՛ս Դեռույզ արմա... с. 190—191.

94 Ջապել Ծսայան. նշվ. աշխ., էջ 16.

95 Նույն տեղում, էջ 19.

96 Նույն տեղում.

97 Հակոբ Հ. Թերզյան. նշվ. աշխ., էջ 320.

98 Նույն տեղում, էջ 317—318.

99 Նույն տեղում, էջ 310—311.

100 Նույն տեղում, էջ 149.

101 Նույն տեղում, էջ 336.

կում. դրանցից 15000-ը Ադանայում, 3000-ը՝ Տարսոսում, 1500-ը՝ Մերսինում, 1000-ը՝ Քեսապում ու շրջակայքում, գրեթե նույնքան էլ Ալեքսանդրեթում ու Տյորթյուում և այլն¹⁰²: Ապա գրում է, որ ամենահարուստներն անգամ ճհիմա պատառ մը հաց կմուրան¹⁰³: Այդ բոլոր տարաբախտները կարող են մեռնել, եթե օգնություն չլինի¹⁰⁴: Կառավարությունը 20000 ոսկի հատկացրեց նրանց, բայց դա մեծ վերքի բուժման համար շատ քիչ էր և տեղ չէր հասնում:

Ջարդերից հետո, երբ հայ քաղաքական շրջանների կողմից առանձնացված հանձնաժողովը ժամանեց Կիլիկիա, բոլոր կարիքավորները ռեզանդատ-ծային խուժումով մըն դիմեցին նրան, թե ինչպե՞ս կ'ընենք մեկուկուսումնադրություն... ամենքն ալ օգնություն ու պաշտպանություն կարոտա¹⁰⁵: Հանձնաժողովի անդամները մոտենում են վրաններին, տեսնում ճհիմա վրա պառկած հիվանդ մանկիկներ, որոնց շուրջը կը հսկեն իրենց ցավագին մայրերը... Ահեղ է վիճակը այդ վրաններում տակ պառկող հիվանդներում... Քչերը պիտի ազատին¹⁰⁶:

Ա. Ադոսսիդեսը նշում է, որ զոհերի թվում պետք է հիշատակել նաև բոլոր նրանց, ովքեր փրկվել են դժոխքից տկար, խոցված ու խոցոտված, դարձած աշխատանքի անընդունակ, խելագարված, ինչպես և այն կանանց ու երեխաներին. որոնք բռնությամբ մահմեդականացված են: Ապա նա շարունակում է, որ Կիլիկիայում աղքիկների հունձն առատ էր, շատերը վաճառվեցին որպես ստրուկներ և արտահանվեցին Անատոլիայի տարբեր շրջանները¹⁰⁷:

Բուզմաթիվ հայեր հեռացան Թուրքիայից, մեկնեցին արտասահման՝ մասնավորապես Կիպրոս, Լիբանան, Եգիպտոս, Ամերիկա և այլ վայրեր:

Սուրեն Պարթևյանը նշում է, որ Կիլիկիայում բոլոր տառապածների, կամ ինչպես ինքն էր ասում՝ կարոտյալների թիվը հասնում էր մոտ 80 հազարի¹⁰⁸: Եթե դրա վրա ավելացնենք 30 հազար սպանվածների թիվը, կրտեսենք, որ բուրժական իշխանությունները կես ամսվա ընթացքում ջաղդի ու թյուրուքյան մահներին կիլիկիաֆայության շուրջ կեսը:

Մարդկային զոհերի հետ մեկտեղ Կիլիկիայի հայերը կրեցին նաև նյութական մեծ վնասներ: Ջարդարաններն ավերեցին Ադանայում 1190 տուն, 5 դպրոց. 6 եկեղեցի և շուկայի հայապատկան բոլոր կրպակները, Տարսոսում հրկիզեցին 800 տուն, Հասան Բեյլիկում՝ 416, Բախշեում՝ 115, Լափաժիում՝ 120, Ինչիրլիքում՝ 145, Օսմանիեում՝ 200 տուն: Այդ ու այլ վայրերում ներքանք միաժամանակ հիմնահատակ արեցին բազմաթիվ կրպակներ, արհեստանոցներ ու ձեռնարկություններ¹⁰⁹:

Ամբողջ Ադանայի վիլայեթում թուրքական ոճրագործները, պաշտոնական նվազեցրած տվյալներով, կործանեցին 2323 տուն, 1429 ամառանոց, 1002 հյուղ, 500 խանութ, 24 եկեղեցի, 23 ջրաղաց, 16 դպրոց, 14 խան, 3 հյուրանոց, 2 գործարան և այլն: Օսմանյան բանկի ոչ լրիվ տեղեկություններով այդ վիլայեթի հայերի նյութական վնասը կազմեց 5 միլ. ոսկի¹¹⁰:

Ապրիլյան կոտորածների օրերին էապես տուժեցին նաև Հալեպի վիլայեթի հայերը: Նրանց սպանվածների թիվը կազմեց 1151 մարդ, իսկ նյութական վնասը՝ 11981 դուրուշ¹¹¹:

102 Տե՛ս Ս ո ո լ ե ն Պ ա Ր Բ Յ ա ն. նշվ. աշխ., էջ 47:

103 Նույն տեղում, էջ 37:

104 Նույն տեղում, էջ 40:

105 Նույն տեղում, էջ 161:

106 Նույն տեղում, էջ 162—163:

107 Տե՛ս Генощд армян..., с. 194—195.

108 Տե՛ս Ս ո ո լ ե ն Պ ա Ր Բ Յ ա ն. նշվ. աշխ., էջ 37, 40:

109 Նույն տեղում:

110 Տե՛ս Հ ա կ ո թ 2. Թ ե Ր Վ Յ ա ն. նշվ. աշխ., էջ 254:

111 Նույն տեղում, էջ 267:

Հայկական ջարդերին մասնակցող թուրքերը տիրացան իրենց զոհերի տներին ու կալվածքներին, հոտերին, խանութներին ու կրպակներին, արհեստանոցներին ու ձեռնարկություններին, դրամին ու զարդերին, մի խոսքով՝ բոլոր հարստություններին։ Այն, ինչ հայերը ստեղծել էին իրենց արդար քրտինքով տասնամյակների ընթացքում, թուրքերը ձեռք բերեցին միայն մի քանի օրում։ Բազմաթիվ գողեր ու ավազակներ և հասարակության այլ թափթիվներ դարձան նշանավոր պաշտոնյաներ, աղաներ ու բեյեր, էֆենդիներ ու մուլաներ։

Երիտթուրքերը փորձեցին խուսափել Կիլիկիայի եղեռնագործության համար պատասխանատվությունից։ Հաշվի առնելով այն հանգամանքը, որ կիլիկյան կոտորածները ժամանակագրական տեսակետից համընկան Արդու Համիդի հեղաշրջմանը, նրանք հայտարարեցին, թե այդ կոտորածները սուլթանն է կազմակերպել։ Ապա փորձեցին մեղքը գցել հայ քաղաքական կուսակցությունների վրա, հայտարարելով, թե իբր նրանք նախապատրաստվել են ապստամբության և զսպվել են տեղական ուժերի կողմից։ Սակայն դա պարզապես ստախոսություն էր, որովհետև բոլորը գիտեին, որ դաշնակցությունը այդ տարիներին համագործակցում էր երիտթուրքերի հետ, իսկ հնչակյանները, ինչպես նշում էր Մուշեղ Եպիսկոպոսը, Կիլիկիայում մատնված էին անգործության։ Իթթիհատի կողմից Կիլիկիայի կոտորածներն ուսումնասիրելու նպատակով Ադանա գործուղված անձինք հաստատեցին, որ երիտթուրքերը մեղսակից են այդ կոտորածներին։ Հանձնաժողովի նախագահ Հակոբ Պապիկյանը արձանագրում էր. «Իթթիհատ վե թերաքը կուսակցության անդամները Ատանայի վայրագ եղբորության կազմակերպման և գործադրության մասնակցած են։ Այս իրողությունը հաստատված է նահանգին զանազան տարրերուն կողմե, հյուպատոսներե, ամերիկացի միսիոներներե և լատին քահանաներե»¹¹²։

Ինչ խոսք, որ Կիլիկիայի հայկական ջարդերի կազմակերպիչները եղել են և՛ սուլթանը, և՛ երիտթուրքերը, քանի որ այդ ոճրագործությունը նախապատրաստվում էր ինչպես 1908 թ. հեղաշրջումից առաջ, այնպես էլ հետո։ Զարդերն իրագործեցին տեղական իշխանությունները, հոգևորականները, զինվորականներն ու հատկապես խուժանը։ Արդու Համիդի ու Իթթիհատի կառավարությունները չէին կարող կենսագործել հայկական կոտորածներն առանց այդ ուժերի, իսկ այս ուժերն էլ չէին կարող գործի անցնել, առանց իշխողների հրահանքի և խրախուսանքի։

Այնուամենայնիվ, երիտթուրքերը, միջազգային առաջադեմ հասարակայնության ճնշման տակ, պատասխանատվության կանչեցին Կիլիկիայի կոտորածների հանցագործներին։ Հիմի փաշայի կառավարությունը հրահանգեց ձերբակալել և Ադանա ուղարկել դատելու նախկին կուսակալ Զեադ բեյին, զինվորական հրամանատար Մուսթաֆա Բեմզի փաշային, Բաղդադի Աբդուլ Կադերին, Զեբել-Բերեքեթի մյութեսարիֆ Ասաֆ բեյին և ուրիշներին։ Սակայն Ադանայի նոր կուսակալ Մուսթաֆա Զիհնի փաշան կտրականապես մերժեց գործադրել այդ կարգադրությունը, «նախընտրելով պաշտոնանկ ըլլալ՝ քան խոշոր տիտղոսավոր ոճրագործներու դեմ ցցվիլ»¹¹³։ Այդպիսի հայտարարությամբ հանդես եկավ նաև Իթթիհատական զինվորական ատյանը։ Հիմի փաշայի կառավարությունը, որ առանձին ցանկություն չունեի պնդելու իր որոշումը, տեղի տվեց և Ադանայի այդ ու այլ գլխավոր հանցագործները «թեթև գլխացավերե զատ՝ ուրիշ պատժի չենթարկվեցան»¹¹⁴։ Բայց կիլիկյան դեպքերը չէին կարող մատնվել անուշադրության։ Եվ երիտթուրքական

¹¹² Ատանայի եղեռնը. Տեղեկագիր Հակոբ Պապիկյանի՝ օսմանյան երեսփոխան էդիրեբեի. Կ. Պոլս, 1919, էջ 42։

¹¹³ Մ ու Ր Ե Ն Պ ա Ր Թ Կ Յ Ա Ն. Նշվ. աշխ., էջ 115։

¹¹⁴ Նույն տեղում։

իշխանությունները, մի կողմ Յողնելով իսկական հանցագործներին¹¹⁵, հրդեհակեցին 15 մարդու անուններ իրեն մեղավորներ, որոնցից 9-ը մահմեդական, 6-ը հայ: Սակայն դրանք, հապապես հայերը, լուրորովին անմեղ մարդիկ էին: Նրանց ճանաչողները նույնիսկ բողոքեցին: Բայց թուրքական դատարանը զանց առավ ալդ ամենը և արձակեց մահապատժի վճիռ, որը կենսագործվեց:

Ապա ըթթիհատական իշխանությունները ձերբակալեցին ևս 362 մարդու (213 հայ և 149 թուրք) և հանձնեցին զինվորական դատարանին: Հատկանշական է, որ նրանք կալտնքի վերցրեցին հիմնականում ջարդերի օրերին թուրքական լաթաղանին ակտիվորեն դիմադրող և ինքնապաշտպանություն կազմակերպող հայերին (դրանց մեջ էին Միհրան Մելքոնյանը, Սահակ քահանա Տեր-Գևորգյանը, Պետրոս Փելթեքյանը և շատ ուրիշներ): Զինվորական դատարանը, որ բաղկացած էր կիլիկյան կոտորածների կազմակերպիչներից, ղեկավարներից ու մասնակիցներից, կալանավորների մի մասին ազատեց, իսկ մյուսին դատապարտեց տարրեր ժամկետներով րանտարկության: Դեպքերին քաջատեղյակ տիտուլյար խորհրդական Շելկովնիկովը 1909 թ. հունիսին, լինելով Ադանայում, գրում էր ալդ դատավարության մասին. «Իսկական մեղավորներն ու մարդասպանները, այսինքն՝ իշխանություններն ու մակեդոնական (երիտթուրքական) զորքերը չեն էլ մտածում թաքնվել, դրա կարիքը նրանք չեն զգում, քանի որ հենց իրենք ևս ռադմական դատարանի և հեաքենչական հանձնաժողովների անդամները, հենց իրենք էլ այժմ պաշտպանում են կարգն այն երկրում, որտեղ իրենց ձեռքերով կոտորեցին մինչև 25—30 հազար քրիստոնյա: Այն, ինչ ևատարվում է ռադմական դատարանում, հատկապես Ադանայում, արդարադատության պատրվադի տակ, հանդիսանում է շարագույն գավեշտ արդարության նկատմամբ... ստացվում է այնպիսի տպավորություն, կարծես թե հայերն են ջարդել 30 հազար անզեն մահմեդական և հիմա դրա համար պատժում են նրանց»¹¹⁶:

1910 թ. ապրիլին նոր սուլթան Մեհմեդ V Բեշադը իր դահակալության տարեդարձի առթիվ ներում շնորհեց բանտարկվածներին և այդպիսով ավարավեց Ադանայի գործը¹¹⁷:

Կիլիկիայի հայերի կոտորածները համիդյան և երիտթուրքական կառավարությունների կողմից որոշակիորեն մշակված հայացին: Ժրադրի կոնկրետ իրադրությունն էին: Դրանք հայկական Մեծ եղեռնի նախորդանքն էին և XX դարի սկզբի մարդկության պատմության սև էջերից մեկը:

РЕЗНЯ АРМЯН В КИЛИКИИ В 1909 г.

Доктор ист. наук А. С. АМБАРЯН

Резюме

Резня армян в Киликии в 1909 г. была подготовлена до младотурецкого переворота 1908 г. Ее организаторами были как султанские, так и младотурецкие власти. С 1 по 17 апреля мусульманской чернью и войсковыми частями было истреблено около 30 тыс. армян, ограблены десятки тысяч семей. Во многих местах—в Адане, Аджи-не, Чок-Марзване или Теорт-Еле и других—армяне оказывали героическое сопротивление, но силы были слишком неравными. погромщики жестоко расправлялись с армянами.

¹¹⁵ Այդ հանցագործների անունները մեկ առ մեկ բերվում են Մուշեղ եպիսկոպոսի նշված աշխատության 61—63 էջերում:

¹¹⁶ Геноцид армян..., с. 172.

¹¹⁷ Տե՛ս «Բյուզանդիոն», 1910, ապրիլի 27, № 4108: